



Ayeranochi distrito di Paradera a eligi su Reina Juvenil, kende a keda den persona di Ruchella Yarzagaray. Primera finalista tabata Ghislaine Croes, segunda ta Sharienne Boekhoudt, tercera ta Rosalina Croes, y cuarta ta Jamila Tromp. E reina a ser corona pa Jos Lampe.

Diezdos luna di prison pa homber cu a hinca muher cu cuchio

ORANJESTAD(AAN) -- Diabierna Corte den promer instancia a trata e caso contra e homber P.M.I., kende ta ser acusa di riba 25 di October 1990 a hinca diferente biaha cu cuchio e muher G./ intencionalmente el a maltrata G. cu un cuchio.

Investigacion a muestra cu P.M.I. a propina e Dominicana G. un hinca. Juez mr. van der Griendt a senala cu testimonian a muestra cu P.M.I. a ataca e muher ora el a yega na Fefa.

Segun P.M.I., e incidente no a tuma lugar pafor di Fefa sino paden. El a bisa Juez cu el a braza e muher kende e conoce y e muher a pasa man pa 300 Dolar cu e tabata tin den su saco.

E ora ey P.M.I. a perde cabez y a pasa man pa un cuchio cu e tabatin den su poder y a hinca e

muher na altura di su heup.

Juez a remarca cu e muher a declara cu e no conoce P.M.I. Mr. van der Griendt a sigui bisa cu e cuchio ta uno grandi. Segun P.M.I., el a cumpra e cuchio pa pisca.

Juez a señala cu na 1973, P.M.I. a ser condena na 1 luna di prison pa maltrato cu arma, na 1974 el a ricibi 6 luna, na 1975, 4 luna y na 1983 2 aña. Ademas di e casonan di maltrato, tin diferente otro caso ta aparece riba e carchi di P.M.I.

Fiscal mr. Lie-A-Kwie ta haya cu a keda legalmente proba cu intencionalmente P.M.I. a herida un persona seriamente cu un cuchio.

El a muestra riba e hecho cu cuchio ta un arma sumamente peligroso. E ta haya e caso uno hopi serio ya cu e herida cu e

muher a sufri por tabata tin consecucionan fatal.

Segun Fiscal, P.M.I. ta un recidivista. Sinembargo el a tene cuenta cu e hecho cu pa basta tempo P.M.I. no a cay den man di justicia. El a exige 10 luna di prison di cual 5 luna ta condicional cu un tempo di prueba di 2 aña.

Juez a dicta sentencia inmediato y a bisa cu e no ta di acuerdo cu e exigencia di Fiscal. E ta haya cu e castigo ta mucho abao. Juez a bisa cu mester tene na cuenta cu e hecho cu ta diferente biaha caba P.M.I. a worde sentencia pa maltrato cu arma. El a enfatisa cu P.M.I. mester realiza cu e cosnan aki no por y pesey a exige un castigo di 12 luna kitando e tempo cu el a pasa den detencion preventivo.

Venevision y noticianan di Golfo Persico

ORANJESTAD (AAN): For di lectornan DIARIO a ricibi varios reaccion riba e hecho cu e canal di television Venezolano "Venevision" a dicidi di expande su transmissionnan e dianan aki pa 24 ora, pa asina ofrece e televidentenan regular-

mente informenan noticioso encuanto e situacion den Golfo Persico.

Un lector a splica cu e no tin satellite dish pues no por mira CNN of otro canalnan ora cu e tin tempo liber. Un di su fuentenan di informacion a bira

Voice of America cu e ta ricibiendo riba short-wave.

El a splica na DIARIO cu awor cu Venevision ta transmitiendo hasta madrugada, e ta contento di por ricibi informacion hasta ora hopi hende ta drumi.


new amsterdam store

CAYA BETICO CROES # 10

***Debi cu nos contrat a vence
nos tini un liquidacion total
di 30 pa 70% descuento
riba tur nos articulonan***